

本卷目錄

那文毅公奏議 三
〔清〕那彥成撰……………一

【清】那彥成撰

那文毅公奏議

三

〔清〕那彥成撰。那彥成，字繹堂，章佳氏，滿洲正白旗人。是書八十卷。清嘉慶時那彥成在新疆伊犁、喀喇沙爾（今焉耆）、葉爾羌（今莎車）、喀什噶爾（今喀什）等地任職多年。道光七年（一八二七年），清軍平定和卓後裔張格爾之亂後，那彥成以欽差大臣直隸總督身份赴南疆籌辦善後，奏事百餘件，對新疆內外政策提出不少改革性建議，涉及政治、經濟、軍事、文化、外交等，以圖革除時弊、整頓邊防、發展生產。有關新疆奏章主要集中於後八卷。

邨文毅公奏議

那文毅公初任直隸總督奏議目錄

卷三十六

恭謝

天恩

卷三十七

善後餘事

卷三十八

飭緝逆黨附稽查保甲

卷三十九

飭緝逆黨

那文毅公初任直隸總督奏議

目錄

一

卷四十

飭緝逆黨

卷四十一

飭緝逆黨附請改發邪教從犯

卷四十二

飭緝逆黨

卷四十三

畿封扈

蹕

籌畫喫咭喇夷使入都章程

卷四十四

懇恤民瘼

調劑鼓鑄

懇准商場出租

請借運本

恭報雨雪

卷四十五

經營漕政

卷四十六

興復義倉

那文毅公初任直隸總督奏議

目錄

二

籌補常平

因時改隸

卷四十七

宣防疏濬

卷四十八

分讞諸獄

卷四十九

分讞諸獄

卷五十

訓練武備

籌議換防

議覆裁兵

勅察馬政

卷五十一

推薦賢能

議改定告病人員題咨出缺日期

卷五十二

糾彈庸劣

清釐交代

陳明度支

那文毅公初任直隸總督奏議

目錄

三

請餉充費

因事獲咎

那文毅公初任直隸總督奏議卷三十六目錄

卷三十六

恭謝

天恩

那文毅公初任直隸總督奏議

目錄

那文毅公初任直隸總督奏議卷三十六

男容安恭輯

恭謝

天恩

嘉慶十九年二月二十四日

奏為恭報接印日期叩謝

天恩事竊臣世沐

恩慈久叨

榮養近復

畀以軍旅重任仰賴

那文毅公初任直隸總督奏議

卷三十六

一

皇上洪福天威徵倖得以歲事方愧未能報稱疊荷

溫諭褒嘉

鴻施優渥此次回京恭覆

恩命觀

天顏之溫霽聆

聖訓之周詳復蒙

推恩錫類

澤及先臣凡此

榮寵之優加實屬夢想所不到撫躬循省感悚難名

陛辭後出都於二十三日馳抵保定省城卽於二十四日

准署督臣章煦將直隸總督關防並

王命旂牌文籍等項移交前來臣當卽望

闕叩頭祇領任事伏念直隸事繁難治甲於他省況當

積歉之餘又值地方甫經安定一切整頓撫綏尤

為不易臣識淺才微深懼弗克勝任惟有時時勉

之以勤事事行之以實仰求

皇上

俯加

教訓庶諸事得有把握藉免愆尤現將一應事宜詳細查

明次第辦理謹

那文毅公初任直隸總督奏議

卷三十六

二

奏奉

硃批清慎勤三字汝其勉之自滿自是四字汝其戒之其

餘諸務隨時訓誨為政不在多言惟至誠耳特諭

嘉慶十九年閏二月初九日

奏為恭謝

天恩事竊臣由提塘官賁到

恩賞

御製甄別賢愚以澄吏治墨刻一分當卽恭設香案望

闕叩頭祇領訖欽惟我

皇上治隆義吳

德洽垓埏官方澄秩敘之源億兆

錫莫安之福

傲於有位臣鄰益稟

訓行欽乃攸司宸寓威臻法度以練達方資昇任無輕棄

夫老成而姑息適以養奸當慎嚴夫大憲勿存成

見性情宜稟夫偏私通達下情策勵益神其鼓舞

教化肅則人心自靖正道著而邪慝不興

舜做

堯咨闡

心源於

那文毅公初任直隸總督奏議

卷三十六

三

寶墨春溫秋肅

譜治理於元筌以茲

曠迪振新期於職思無曠臣宣風三輔察吏六條誦

訓言而立勉服膺奉

珉刻而倍深警省

鴻詞載繹名言莫喻夫

高深蟻悃多愚匪懈敢忘夫夙夜惟有認真督率實力奉

行期風氣之還淳誌官箴於無忝庶幾小廉大法

上承

撫展凝績之庥於焉遠格邁安共觀草面洗心之化謹

奏奉

硃批常勉敬勤毋存怠玩察吏安民化民成俗勉之

嘉慶十九年三月二十五日

奏為凱撤官兵攜帶幼孩臣未能約束稽查懇

恩嚴加懲處事竊臣承准軍機大臣字寄欽奉

上諭上年那彥成攻復滑城生擒逆首其功甚偉朕已錫

爵酬庸優加恩獎惟伊於料理撤兵事宜號令不嚴辦

理殊未周密不及阿桂遠矣前因吉林黑龍江並健銳

火器各營官兵俱有攜帶幼孩降旨飭查先據富俊奏

訊出應行緣坐逆屬二名隨又覆查京營官兵則所帶

那文毅公初任直隸總督奏議

卷三十六

四

幼孩大率皆係良民并有攜帶女孩者甚至領隊大員

中竟有每員帶同七八人十餘人不等無怪乎沿途多

用車輛况有帶同逆犯家屬之事縱暴殃民莫此為甚

律載官兵擄掠人口若於已附地面擄掠者不分首從

皆斬監候內地州縣更與新附者不同此係行軍定律

並非始自今日那彥成身為大帥必應先明軍紀當克

城之日首將逆犯族屬查明拘繫核辦再將散出良民

招令親屬領回其無人收領者交地方官於普濟育嬰

等公所分別收養嚴下軍令禁止擄掠方為師出以律

追官兵分起凱撤尤當三令五申飭令沿途安靜行走

今官兵將滑城子女紛紛攜帶歸途所過如廣平順德趙州各屬州縣無賊之區亦將良民幼孩任意帶回軍律何在卽或該官兵等途次妄爲那彥成猶得以鞭長莫及爲解其滑城所帶子女及逆犯家屬那彥成在營毫無約束尙復何所辭咎著將回兵自滑縣至出山海關一應車馬供應俱不准報銷令那彥成賠出仍令伊自行議罪具奏京營官兵如此則綠營不問可知那彥成接奉此旨著卽將直隸上年派兵各營自提鎮以及兵丁逐細詳查毋許一名隱匿查出逆犯家屬以及良民子女其原籍有無親屬可歸者均遵前日諭旨按照

那文毅公初任直隸總督奏議

卷三十六

五

京中所辦章程分別辦理毋得草率遺漏若意存迴護所辦再不周妥別經查出惟該督是問欽此

臣跪讀之

下悚惶無地伏念

臣上年恭奉

恩命督師剿辦滑縣匪徒仰賴

皇上睿謨廣運

指示機先

臣

得有秉承軍務始能底定渥荷

恩施稠疊

異數寵頒沐

逾格之

殊榮恒抱慙於非分官兵凱撤之際理應嚴加飭禁令其

沿途安靜行走乃未能料理周密以致吉林黑龍江並健銳火器各營官兵沿途攜帶幼孩甚至有帶回逆犯家屬之事

臣失察之咎實無可辭仰蒙

聖主鴻慈不加嚴譴

諭令

臣

自行議罪具奏

聖恩高厚感極涕零惟有仰懇

皇上天恩除遵

旨自滑縣至山海關一應車馬供應罰賠外再罰

臣世職

俸十年仍交部嚴加議處以爲不明軍紀漫無覺

察者戒至直隸上年派調出征官兵事竣凱撤沿

那文毅公初任直隸總督奏議

卷三十六

六

途攜帶幼孩亦在所必有

臣

已欽遵前奉

諭旨分別查辦斷不敢稍任遺漏隱匿致滋罪戾謹

奏

嘉慶十九年三月二十七日奉

上諭那彥成奏於官兵攜帶幼孩未能約束稽查自行議罪一摺那彥成身爲統帥於凱撤官兵約束不嚴紛紛攜帶幼孩本有應得之咎惟念伊平素未諳軍律此次出征之時朕亦未先行申諭昨兵部議處京營各員均已加恩從寬辦理那彥成自請交部嚴議之處著加恩寬免其請罰世職俸十年亦減爲五年所有官兵等自

滑縣至山海關一應馬馬供應俱不准報銷罰令賠出送回各幼孩經過直隸境內所需盤費等項亦一併著賠以示薄懲

嘉慶十九年五月十五日

奏為欽奉

訓諭敬述悚惕下忱繕摺覆奏事竊臣欽奉

上諭那彥成奏報二麥約收分數一摺單內首開大興宛平二縣約收八分一派虛詞全不足據卽此可見悠悠居心怠玩從事大約無福受恩矣本年畿輔一帶雨澤稀少麥苗黃萎都城附近田畝朕出入經過留心察看

那文毅公初任直隸總督奏議

卷三十六

七

其收成不過在二三分之間今那彥成竟奏報八分其不實孰甚以此類推其餘各屬稟報真偽亦豈盡足憑食爲民天最爲地方重務該督於民生本計漫不經心若此恐汝用心於無用之地俾畫作夜欲仿福康安之行爲乎著傳旨申飭所有收成分數單著發還俟各屬地方二麥刈獲登場後確查實在收成分數再行具奏若再有虛飾經朕查出必將該督嚴懲不貸欽此臣跪讀之下不勝悚惕伏查直隸奏報二麥約收分數每年將屆成熟之時由各州縣查明全境麥收情形開單申送藩司彙總具詳核奏本年

畿輔一帶雨澤未能霑足前據藩司素納轉據大興宛

平二縣稟報二麥約收八分維時臣卽覺所報分

數過多接見藩司素納面詢據稱州縣所報約收

分數本係約略計算如奏報約收本係歉薄後因

疊被甘膏轉爲豐稔或約收本屬豐稔後因缺雨

接濟轉成歉收情形原屬不定總應俟刈穫登塲

確查收成有無增減核明實收分數另行詳請

題報臣檢查歷年案卷確係如此辦理且大興宛平二

縣未報被旱意料約收實有八分又因該二縣近

在京城自必具報順天府尹一體核奏臣一時拘

那文毅公初任直隸總督奏議

卷三十六

八

泥糊塗未經駁查卽據該縣等所報分數開單具奏今蒙

皇上指示都城附近地畝

聖駕出入經過留心察看其收成不過二三分是大興宛

平二縣前報約收八分竟係不實臣於此等地方

事件並不悉心確查率行具奏實屬咎無可辭理

合奏懇

皇上天恩將臣交部嚴加議處以示儆戒其大興宛平二

縣因何虛報約收分數臣已咨順天府尹確查俟

咨復到日再行奏奏一面仍飭查各屬二麥實在

鴻慈

收成分數另行奏報斷不稍任虛飾至臣仰沐

簡畀畿封重寄數月以來辦理地方公事正以才識短淺

事務繁劇刻刻謹守實未敢悠悠怠玩今蒙

聖主訓飭臣惟有殫竭血誠事事益加勉勵或可稍免愆

尤仰副

教誨成全之至意謹

奏

嘉慶十九年四月初三日

奏臣前奏

那文毅公初任直隸總督奏議

卷三十六

九

詞

陵隨扈翊衛官兵一摺欽奉

上諭摺內聲敘署提督文宣兩處皆訛寫文孚文宣文孚

與那彥成俱係多年舊識現又同官一省何至將其名

字書寫混淆豈陳奏事件那彥成竟未寓目耶卽此可

見又涉因循大病矣嗣後當留心檢校毋忽欽此臣跪

誦之下實深惶悚竊臣凡遇陳奏事件均係自行

起稿前件奏摺敘稿時因文宣係屬同官是以於

稿內僅寫文字空寫宣字迨繕清之後臣偶因感

冒頭目眩暈當下未能親自檢校更正實屬疎忽

乃二經

聖明披覽錯謬立見伏思

皇上萬幾日理遇事

洞鑒無遺臣甫辦一省之事乃錯落至此茲蒙

指示悚愧交深嗣後惟當稟遵

訓諭倍加小心不敢少有廢率至直隸政務之煩甲於他

省臣才識庸下又兼人地生疎勉力趨公猶恐不

及更不敢稍涉因循上負

鴻慈自干咎戾謹

奏奉

那文毅公初任直隸總督奏議

卷三十六

十

殊批勉力務實切忌虛浮因循大病直隸爲最若不痛懲

將來愈難調治矣

嘉慶十九年四月初七日

奏爲叩謝

天恩恭摺奏

聞事竊臣賈捐差弁回省奉到

恩賞紫金錠一匣當卽跪迎望

闕叩頭祇領伏念臣叨蒙

簡畀未報涓埃恒盡職之未能每撫時而增惕茲以天中

令序獲分

內府靈丹伏念我

皇上抱切安黎卽物寓節宣之意

情殷保赤順時徵調劑之宜和菊水以延齡問閭普慶借

艾符而辟疹厲潛消

典重頒冰

恩逾賜葛臣惟有勵茲蒲質益竭葵忱推廣

鴻慈俾三輔咸登

仁壽涵濡

聖澤與億兆共樂恬熙謹

奏奉

那文毅公初任直隸總督奏議

卷三十六

十一

硃批七十餘名逆賊一名不獲專移駢體鋪張可謂舍本

逐末既工文藻不如做內廷翰林何必戀此重任太不

知輕重矣

嘉慶十九年六月初三日

奏永定河石景山南北兩岸加培石土各工前經臣

奏請動項辦理茲據該道稟報完工臣擬於六月初三

日起程前往驗收臣出省後所有日行公事飭委

藩司素納代折代行其由臬司解審之案若俟臣

回省提訊未免遲延卽令該藩司代爲提審

奏奉

硃批知道了

嘉慶十九年六月初三日

奏臣具奏通州等處得雨欽奉

硃批祝現等逆賊總不就獲汝每次奏摺一字不提是何

居心據實回奏欽此臣跪誦之下實深惶愧伏查祝現

等犯蓄謀肆逆實爲

國法所不容凡在臣民無不同深切齒急思捕獲以正

刑誅臣到任之後卽飭各屬激發天良認真躡捕

一面派委文武員弁示以獎勵飭令實力查拏嗣

屢蒙

那文毅公初任直隸總督奏議

卷三十六

十二

諭旨嚴催又經添派幹員分頭偵訪歷次均經奏

聞在案數月以來差派文武大小員弁已有一百八十餘

人乃竟無一名就獲殊切焦急之至臣實因犯未

弋獲無以仰慰

聖心故不敢以飭緝虛詞頻頻瀆奏非敢稍存懈怠並再

通飭文武員弁上緊密速訪拏獲謹

奏奉

硃批賊不能獲汝何顏見朕

嘉慶十九年六月初五日軍機大臣字寄奉

上諭那彥成奏永定河石景山南北兩岸加培石土各工

完竣於六月初三日起程前往驗收等語近年直隸總督逢到工防汎之期每就近來京請安召見後再行回省那彥成到任半年飭拏逆案要犯等至今並無一名弋獲伊有何顏見朕據稱數月以來派委文武大小員弁一百八十餘人四出訪緝似屬辦理認真乃廣惠祇係鹽政無地方之責伊所派之人亦必不如那彥成之多昨拏獲李玉麟李玉奉二名雖非最要人犯審明實係次要正犯且卽在直隸界內拏獲那彥成更何辭以自解耶該督現赴工次如此數日內視現等六犯內能拏獲一名准卽來御園請安倘仍一犯不獲著查工事

那文毅公初任直隸總督奏議

卷三十六

三

竣卽回省城督辦緝捕要務不准前來卽來亦斷不召見也

嘉慶十九年八月十八日奉

旨降戴單眼花翎

奏爲恭謝

天恩事竊臣欽奉

上諭那彥成奏請將查拏逆犯畏葸遷延之遊擊請白革職一摺那彥成自抵直隸總督任後於飭拏要犯未經緝獲一名此次訪有視現踪跡派委遊擊圖勒畢善帶同眼線前往查拏該遊擊遷延觀望以致逆犯聞風他

竄那彥成派委不愼咎無可辭乃僅奏圖勒畢善並不自請議處甚屬非是圖勒畢善著革職來京俟逸犯就獲後如訊明實係視現再治其罪若僅係次要之犯則革職已足蔽辜免其治罪那彥成著革去雙眼花翎仍戴單眼花翎並交部議處將來視現等六犯悉數拏獲內由直隸員弁拏獲一二名尚可加恩賞還那彥成雙眼花翎若無直隸員弁拏獲者不能邀恩賞還也欽此

那文毅公初任直隸總督奏議

卷三十六

古

此跪讀之下不勝感悚竊念臣身任封疆緝匪詰奸皆屬專責况視現等犯蓄謀肆逆罪不容誅更應嚴密查拏迅就駢戮方足以彰

國法而絕根株乃自春間到任至今最要各犯尙無一

名弋獲捫心自問慚憤交深日前訪悉視現在山

東境內藏匿當派遊擊圖勒畢善密赴躡捕該遊

擊訪得踪跡並不愼速掩捕致被他竄此皆臣派

委不愼之故乃臣僅將該遊擊奏請革職並不

請處分實屬疎忽咎無可寬仰蒙

皇上天恩不加重譴僅革去雙眼花翎仍

賞戴單眼花翎交部議處沐

鴻慈之逾格益悚惕以難安臣惟有諄飭地方文武各員

嚴密訪緝各要犯務期必獲稍贖前愆并仰報

高深於萬一謹

奏奉

硃批知道了

嘉慶十九年九月二十九日

賞還雙眼花翎

奏為恭謝

天恩事竊^臣欽奉

上諭章煦奏研訊祖黑子並無窩藏逆犯實係李二戈信

貪利捏指一摺此案先經順天府眼目在東省認有祝

現馬匹又因李二戈信指稱祖黑子家藏有面生可疑

那文毅公初任直隸總督奏議

卷三十六

五

之人所說情狀與祝現相似那彥成一聞此信即派遊

擊圖勒畢善前往躡拏圖勒畢善至祖家莊後遲延畏

蕙致令逃逸是以將圖勒畢善革職那彥成派委不慎

又不自請議處當經革去雙眼花翎仍戴單眼花翎並

交部議處現在順天府眼目所認之馬業經查明係灤

州民人家所產輾轉賣給郭浩並非祝現之馬茲又據

章煦奏李二戈信因貪圖日給飯錢捏造祖黑子家有

窩藏逆匪形跡那彥成聞信派員往拏並無不合所有

部議降一級調用之處著無庸議並賞還雙眼花翎圖

勒畢善派令拏賊既到祖家莊地方並不即日掩捕究

未免畏蕙但尙不至革職圖勒畢善著革去花翎降為

都司仍交直隸差委遇缺補用祖黑子等訊係無辜著

即釋放郭浩賀應成同馬匹如尙未起解來直即無庸

起解倘業已在途即著截留釋放李二戈信貪利妄指

以致拖累無辜所擬枷杖尙屬輕縱李二戈信著改為

杖一百流三千里先在祖家莊枷號兩個月再行發配

以示懲儆欽此^臣跪讀之下曷勝感激當即恭設香案

望

闕叩頭謝

恩竊念^臣蒙

那文毅公初任直隸總督奏議

卷三十六

六

恩調任直隸自春間到任至今節次欽奉

上諭令^臣督率地方文武各官嚴拏最要次要各犯乃半

載以來不但最要各犯未能弋獲即次要各犯亦

僅獲姜道學一名此皆^臣緝捕無能之故撫躬自

問實增慙愧茲蒙

皇上特頒

恩諭

賞還雙眼花翎并免議處沐茲

高厚

鴻慈實夢想所不及

恩施逾格感合全家臣惟有益勵血誠實心整頓地方責

力查拏要犯以期仰報

聖恩於萬一謹

奏奉

硃批覽

嘉慶十九年十一月二十日次子容照蒙

恩擢爲尙茶正頭等侍衛

奏爲恭謝

天恩事竊臣接到家信知次子容照仰蒙

恩命

那文毅公初任直隸總督奏議

卷三十六

十七

擢授頭等侍衛當即恭設香案望

闕叩謝

天恩伏念臣蒙

恩調補直隸總督自本年春間到任至今幾及二載不但

在逃要犯未能弋獲以致上煩

宸厪

宵旰焦勞卽地方諸大政雖經實力整頓亦尙無起色臣

受

恩深重時增慙愧茲蒙

聖主不加譴責並

加恩陞授臣次子容照爲尙茶正頭等侍衛臣聞

命之下固已歡欣感激想臣母在京日親次孫容照蒙

恩陞擢換戴三品頂戴更必欣喜感禱老年得此益增福

壽是臣一門祖孫父子仰沐

聖恩實屬至優至渥臣感戴

天恩非祇一事一節亦非一言所能敘臣惟有益加勉

力認真辦事嚴緝要犯以期稍酬

高厚至容照於漢文尙能應通而清語弓箭未能精熟臣

當勸其用心學習不許少有高興勤慎當差仰副

皇上造就成全之至意謹

那文毅公初任直隸總督奏議

卷三十六

十八

奏奉

硃批汝非無才奈不奮勉逆賊必應除盡汝總視爲泛常

再涉因循不能安居保定矣慎之

嘉慶十九年十二月十四日

奏爲呈繳罰項恭摺具奏事竊照本年三月間臣具奏

凱撤官兵攜帶幼孩臣未能約束稽查請嚴加懲

處一摺欽奉

上諭京營各員均已加恩從寬辦理那彥成白請交部嚴

議之處著加恩寬免其請罰世職俸十年亦減爲五年

所有官兵等自滑縣至出山海關一應車馬供應俱不

准報銷罰令賠出送回各幼孩經過直隸境內所需盤費等項亦一併著賠以示薄懲欽此臣遵卽轉飭總局司道將此項官兵車馬供應及送回幼孩盤費等項於報銷案內剔除在案茲據該司道核明前項車馬供應盤費臣名下共應賠銀一萬九千五百九十三兩三錢八釐造冊申報前來伏查本年春間凱撤官兵臣不能約束以致攜帶幼孩實有應得之咎乃蒙皇上天恩不加重譴僅將車馬供應盤費等項罰令賠出

那文毅公初任直隸總督奏議

卷三十六

亢

矜原於格外益感愧而難名竊念臣自嘉慶十五年蒙恩補授陝甘總督歲支養廉銀二萬兩臣平日用度最爲省儉每年可以節省銀一萬兩內外四年以來共節省銀四萬餘兩除上年帶赴軍營獎賞官兵并接家眷盤費又本年進京修理祖墳及收拾住房償還夙逋用去之外實尚存銀一萬五千兩此項銀兩雖係臣歷年節省所餘然皆係蒙恩賞給之廉現在臣既有罰賠之項若不卽行呈繳問心何以自安今將前項銀一萬五千兩就近交存直隸藩庫下短之項臣有祖遺坐落易州地三段共

二十六頃二十八畝契價銀四千七百六十五兩請一併入官核計多餘銀一百七十一兩六錢二釐亦毋庸找還謹

奏奉

硃批戶部知道

嘉慶十九年十二月十九日

奏爲恭謝

天恩事竊臣賁摺差弁回省捧到

欽賞

御書福字並鹿肉臣當卽出郊跪迎至署恭設香案望

那文毅公初任直隸總督奏議

卷三十六

干

闕叩頭謝

恩祇領欽惟我

皇上自

天錫福與物皆春肅官常而共戴

恩施念民依而並躋仁壽臣備員畿輔近沐

光榮方懼奉職多愆迺荷

隆施下逮吉祥書字觀

宸翰之星輝珍異元庖飲

上方之仙品恭捧

御書福字敬謹製額並將